

# Тангъчин шатрин болн дөөвин маргъан төгсв

Шатрин маргъанд сүл турмудин ашнь иим болв: Инджиев — Романенко, Килганов—Войнович, Бембетов—Д. Сангаджиевиг шуув, Маругаев—С. Сангаджиевд, Кавинов—Садваевд шуугдв, Зундуев Васькинлā хām кев.

Хооран саагдсн болн наадгдл уга үлдсн партьсин ашнь иим болв: С. Сангаджиев—Васькинд шуугдв, Д. Сангаджиев 60 нүүвр кех зөвтā цагнь чилād, Садваевд шуугдсн нер авб. Кавинов—Зундуевлā, Иевлев—Васькинлā хām кев.

Тангъчин шатрин болн дөөвин маргъан төгсв.

Шатрин маргъанд 13 шатрч, дөөвинднь—7 дөөвч наадв. Арвн негн бдр күчтā ноолда кегāд, тангъчин чемпион нер шатрчир дунд Зундуев Е., дөөвчирин дунд Шургчиев авб.

Маргъана ашнь иим болв: шатрчирт негдгч ормд Зундуев Е.—12-с 9,5 очко авад, 2-3-4 ормсиг Сангаджиев С., Васькин болн Бембетов П.—

9-д очко авад гарцхав, цаарандк ормсинь нигдж эзлв: Килганов, Иевлев, Кавинов, Садваев, Войнов, Сангаджиев Д., Инджиев, Маругаев, Романенко.

Дөөвчирин ашнь иим болв: негдгч орм Шургчиев—12-с 11,5 очко авад, эзлв, хойрдгчнь Буваев—8,5 очкота, гурвдгчнь Калюжный—7 очкота, цаарандк ормсинь Горбанов, Репкин, Басангов, Джамбышев эзлчāв.

Командн негдгч орм Элстин шатрчир авб, хойрдгчинь—Юстинск районахн. Гурвдгч болн дөрвдгч ормиг Каспийск болн Западн райодин командс хувацхав. Сүл хойр орм авснь Приозерн болн Целинн райодин командс.

Тангъчин чемпион Зундуев болн Шургчиев негдгч степенъ дипломар, Сангаджиев С., Васькин, Бембетов болн Буваев хойрдгч степенъ дипломар ачлгдв.

Командн негдгч мōрā авсн Элстин команд негдгч степенъ

дипломар, хойрдгч мōрā авсн Юстинск команд хойрдгч степенъ дипломар ачлгдв.

С. ДЕРСАН.



Целинн района центр—Целинн селāнд шатрин маргъан болв. Терүнд шатр сāнāр наадлг кесг улс орлв. Тер маргъанд орлцсн хойрдгч разрядтā шатрчрч Бюрчин Кәмур маргъанд шатр наадджах цагнь.

Е. Шарповин фото.